

Amets Zurutuza Eskisabel

Emaila • Aipamena

Kaixo! Ni Amets Zurutuza naiz eta 10 urte ditut. Andramendi ikastolan ikasten dut, LH5. Mailan nago. Asko gustatzen zait marraztea baina bereziki atsegin dudana irakurtzea eta idaztea da.

Aipamena ematen didaten bigarren urtea da eta aurten gainera bai ipuinean baita bertsotan ere!!! Izugarrizko poza eman dit aipamen hauek jasotzeak.



ZORIONTASUNA

Alaitasun, gozamen
lasaitasun ona,
horixe da niretzat
zoriontasuna

Beti nahi izan dute
jakintsuek esan
emozio hau nola den
agertu guregan

Aristoteles, Nietzsche
filosofo asko
mila iritzi ezberdin
zorionerako

Ta hori lortzen dugu
gauza askorekin
lagunekin jolastuz
ta familiakin

Elkarrekin ikasiz
elkarri lagunduz
elkarlanean ariz
edota maitatuz

Amaren muxu bat ta
aitan besarkada
lasaitasun poz hori
izugarria da

Bihotz taupada azkarrak
pozaren aurrean
begiak dir-dir daude
zoriontasunean

Bizitzan egon arren
arantza ugari
saiatu beti eusten
zoriontasunari